

## LAMENTATIONES IEREMIAE.

eius in siti: parvuli petierunt panem, & non erat qui frangeret eis.

H E.

5. Qui vescebantur voluptuosè, interierunt in viis: qui nutriebantur in croeis, amplexati sunt stercora.

V A U.

6. Et maior effecta est iniquitas filiæ puli mei peccato Sodomorum, \* quæ subversa est in momento, & non ceperunt in ea manus.

Z A I N.

7. Candidiores Nazaræi eius nive, nitidiores lacte, rubicundiores ebore antiquo, sapphiro pulchriores.

H E T H.

8. Denigrata est super carbones facies eorum, & non sunt cogniti in plateis: adhæsit cutis eorum oſibus: aruit, & facta est quasi lignum.

T E T H.

9. Melius fuit occisis gladio, quam interfectis fame: quoniam isti extabuerunt consumpti à sterilitate terræ.

I O D.

10. Manus mulierum misericordium coxerunt filios suos: facti sunt cibus earum in contritione filiæ populi mei.

C A P H.

11. Complevit Dominus furem suum, effudit iram indignationis suæ: & succedit ignem in Sion, & devoravit fundamenta eius.

L A M E D.

12. Non crediderunt reges terræ, & universi habitatores orbis, quoniam ingredetur hostis & inimicus per portas Ierusalem:

M E M.

13. Propter peccata prophetarum eius, & iniquitates sacerdotum eius, qui effuderunt in medio eius sanguinem iustorum.

N U N.

14. Erraverunt cœci in plateis, polluti sunt in sanguine: cùmque non possent, tenerunt lacinias suas.

S A M E C H.

15. Recedite polluti, clamaverunt eis: recedite, abite, nolite tangere: iurgati quippe sunt, & commoti, dixerunt inter gentes: Non addet ultra ut habitet in eis.

P H E.

16. Facies Domini divisit eos, non addet ut respiciat eos: facies sacerdotum non erubuerunt, neque senum miserti sunt.

A I N.

17. Cùm adhuc subsisteremus, defece-

runt oculi nostri ad auxilium nostrum vanum, cùm respiceremus attenti ad gentem, quæ salvare non poterat.

S A D E.

18. Lubricaverunt vestigia nostra in itinere platearum nostrarum, appropinquavit finis noster: completi sunt dies nostri, quia venit finis noster.

C O P H.

19. Velociores fuerunt persecutores nostri aquilis cœli: super montes persecuti sunt nos, in deserto insidiati sunt nobis.

R E S.

20. Spiritus oris nostri Christus Dominus captus est in peccatis nostris: cui diximus: In umbra tua vivemus in Gentibus.

S I N.

21. Gaude, & letare filia Edom, quæ hábitas in Terra Hus: ad te quoque perveniet calix, inebriaberis, atque nudaberis.

T H A U.

22. Completa est iniquitas tua filia Sion, non addet ultra ut transmigret te: visitavit iniquitatem tuam filia Edom, dis cooperuit peccata tua.

D I S C I P L I N A

## ORATIO

## IEREMIAE PROPHETÆ.

## CAPUT QUINTUM.

1. R ecordare Domine quid acciderit nobis: intuere, & respice opprobrium nostrum.

2. Héréditas nostra versa est ad alienos: domus nostræ ad extraneos.

3. Pupilli facti sumus absque patre, matres nostræ quasi viduae.

4. Aquam nostram pecuniâ bibimus: ligna nostra pretio comparavimus.

5. Cervicibus nostris minabamur, lassis non dabatur requies.

6. Ægypto dedimus manum, & Assyriis ut satiaremur pane.

7. Patres nostri peccaverunt, & non sunt: & nos iniquitates eorum portavimus.

8. Servi dominati sunt nostri: non fuit qui redimeret de manu eorum.

9. In animabus nostris afferebamus pânam nobis, à facie gladij in deserto.

10. Pellis nostra, quasi clibanus exulta est à facie tempestatum famis.

11. Mulieres in Sion humiliaverunt, & virginis in civitatibus Iuda.

12. Prin-

## ORATIO IEREMIAE.

12. Principes manu suspensi sunt: facies senum non erubuerunt.

13. Adolescentibus impudicè abusi sunt: & pueri in ligno corruerunt.

14. Senes defecerunt de portis: iuvenes de choro psallentium.

15. Defecit gaudium cordis nostri: verus est in luctum chorus noster.

16. Cécidit corona capitûs nostri: ve nobis, quia peccavimus.

17. Propterea moestum factum est cor nostrum: ideo contenebati sunt oculi nostri.

18. Propter montem Sion quia disperit, vulpes ambulaverunt in eo.

19. Tu autem Domine in æternum permanebis, solium tuum in generationem & generationem.

20. Quare in perpetuum oblivisceris nostri? derelinques nos in longitudine diem?

21. Converte nos Domine ad te, & convertemur: innova dies nostros, sicut à principio.

22. Sed projiciens repulisti nos, iratus es contra nos vehementer.

## PROPHETIA BARUCH.

B ARUCH Hebraicè Benedictum significat, qualis certè fuit vir ille, qui nobili Iudaorū prosapiâ oriundus, scribœ officium Ieremia præstare non abnuit, eiisque affecta & omnium laborum ac periculorum particeps fuit. Huic enim ad mortem usque constanter adhaesit: etiam cum per Iohanan in Ægyptum abductus est, ubi ab impiis Iudais lapidibus obrutus dicitur, quod eius monita ac reprobationes iam ferre non possent.

Hunc autem librum Baruch in Babyloniam scripsisse nominatim dicitur hic v. 1. Quod vero tempore in Babyloniam erit, minimè dicitur. Opinantur alii post mortem demum Ieremia id factum; quod ibi vers. 2. incendium Ierosolymorum memoretur, quasi iam peractum: Alii vero ante eversum templum; quod quadam hinc narrantur de sacrificiis vastisque redimendis ac reponendis, quæ de eo adhuc stante intelligenda videantur. Itaque Baruchum in ea legatione fuisse putant illi, quæ anno 4. Sedecia adscribitur ab Ieremia 51. v. 59. cuius princeps erat Saraias, Baruchi frater. His enim Ieremias, sua de excidio Babylonico vaticinia, que cap. 50. 51. & 52. habentur, tradiderat perlegenda captivis, ac postea in Euphratēm projicienda. Anno vero sequenti, cum redditum maturarent, Baruchum volunt iidem, hoc scriptum concinnasse, & cum Rege aliisque qui Babylone erant, communicasse; tum ut ipsorum dolorem consolaretur; tum ut ex eorum sententiâ atque consilio, collectâque pecunia, populi, qui adhuc Ierosolymis supererat, calamitatibus subveniret. Id ut efficiant volunt annum 5. qui ibi adscribitur v. 2. numerandum esse à deportatione Iechonia, ut sit ann. M. 3409. Imò & memoratum incendium tunc quoque cæptum esse, cùm primum in potestate boſium venit Ierusalem, sed postea restinctum, ac capto demum Sedecia, templum denū & urbem deslagrasse. Harum sententiârū quæ probabilior sit, videat prudens lector. Baruchum vero Hebraicè aut Chaldaicè scripsisse, suadent cùm tempus, & locus, tñm ipsa phrasis, quæ pasim ad Hebream accedit. Verum exemplar Hebraicum, iam olim intercidit, versione Græcâ ac Latinâ supersede. Ad finem libri sui adiecit Baruch Epistolam Ieremiam ad deportandos, quâ illi adversus idola & idolatriam confirmantur, habeturque hic capite 6. sive ultimo.

## CAPUT PRIMUM.

Iudai à Babylonie mittunt ad eos qui erant in Ierusalem librum Baruch, unâ cum collectis pecuniis, ut oblatis holocaustis orient pro ipsis, & pro Nabuchodonosor, filioque eius Balthasar: ac consententur peccata sua.

1. T H E S T hæc verba libri, quæ scripsit Baruch filius Neræ, filij Maasie, filij Sedeciae, filij Sedei, filij Helcia in Babylonie,

2. in anno quinto, in septimo die mensis, in tempore quo ceperunt Chaldaï Ierusalem, & succenderunt eam igni.

3. Et legit Baruch verba libri huius ad aures Iechonia filij Ioakim regis Iuda, & ad aures universi populi venientis ad librum,

4. & ad aures potentium filiorum regum, & ad aures presbyterorum, & ad aures populi, à minimo usque ad maximum eorum omnium habitantium in Babylonie, ad flumen Sodi.

5. Qui